

vitro, fragilique orbe, (vt versus habent) ita fabre &  
ad sensum, nota Separatione extrahere, vt cœlum Æ-  
thereum, ignisque Sphæram, Aerem ipsissimum,  
humidumque Aquæ liquorem, terram denique pi-  
gram, tenebricolum, spissam in fundo subsidentem,  
vel ignarissimo horum mysteriorum in manus tra-  
dere ac oculis subijcere possit? Nunquid hinc est Ma-  
gnus Magnæ illius Naturæ labor, in exiguo vitro,  
( vt iam de aliis magis mirandis operationibus  
mussemus, penitusque taceamus ) repræsenta-  
tus?

Cuius tantæ tamque præstantis artis Auctor, vt  
gradum protollamus, non aliis quam IS, Q VI  
EST, qui erit, qui futurus est, cui & Natura, & Ars, &  
Artifex suam debet originem, Purissimus ille Pater lu-  
minum, vera lux, & tenebræ non sunt in eo. Cum enim  
ipse prius admirabili sua sapientia in C reationis o-  
pere omnia digessisset, vti superius à nobis comme-  
moratum est, quid aliud fecit, quam quod homini  
viam præiuit, ac velut facem prætulit, ostenditque,  
illum in qualibet tam ingentis & elegantis fabricæ  
particula, bono hominis creata, idem quærere de-  
bere, quod in magno illo vastoque Mundi corpore  
vide-